

প্রজ্ঞাপনঃ ১৯৯০

গণপ্রজাতন্ত্রী বাংলাদেশ সরকার
পুলিশ সদর দফতর, ঢাকা।

স্মারক নং এস/৪৫-৯০/৬৭৭ (৯০)

তারিখঃ ১২-০৫-

৯০ বরাবর,

১।*

৮।.....*

বিষয়ঃ বাংলাদেশ পুলিশ যাদুঘর, ঢাকার জন্য প্রাচীন ঐতিহাসিক দ্রব্যাদি জমা দেওয়া প্রসঙ্গে।

পুলিশ বাহিনী বিশ্বের একটি প্রাচীনতম প্রতিষ্ঠান। সভ্যতার শুরু হইতেই ইহার উৎপত্তি। আমাদের পুলিশ বাহিনীও অনুরূপ ঐতিহ্যের অধিকারী। দেশের বিভিন্ন স্থানে জানা ও অজানা অবস্থায় পুলিশ বাহিনীর প্রাচীন নিদর্শনসমূহ অরক্ষিতভাবে পড়িয়া আছে। এই সমস্ত অরক্ষিত প্রাচীন দ্রব্যগুলি সংগ্রহ করিয়া রাখিবার জন্য বাংলাদেশ পুলিশ যাদুঘর স্থাপনের সিদ্ধান্ত নেওয়া হইয়াছে। যাহা অচিরেই ঢাকার পুলিশ সদর দফতরে স্থাপিত হইবে।

বাংলাদেশ পুলিশ যাদুঘরে সংরক্ষণের জন্য কিছু প্রাচীন দ্রব্যাদির প্রয়োজন, বিশেষ করিয়া পুলিশ বাহিনীর সহিত সম্পর্কিত প্রাচীন দ্রব্যাদি যেমন, পোশাক, ক্যাপ, মনোগ্রাম, সিল, রিবন, ব্যাজ, মেডেল, আগ্নেয়াস্ত্র, তলোয়ার, বেয়নেট, চিঠিপতর, দলিল, বই-পুস্তক এবং প্রাচীন মুদ্রা, মূর্তি, চিত্র, ম্যাপ, ভাস্কর্য, শিলালিপি ইত্যাদি।

এমতাবস্থায় উল্লিখিত দ্রব্যাদি যদি আপনার সংস্থায় বা এলাকায় থাকে তাহা সংগ্রহ করিয়া পুলিশ সদর দফতর, ঢাকায় পাঠাইতে বিশেষভাবে অনুরোধ করা গেল। ইহা ছাড়াও এই বিষয়ে আপনার নিকট কোন তথ্য থাকিলে তাহা পুলিশ সদর দফতরকে অবহিত করিতে অনুরোধ করা গেল। বিষয়টি আপনার অধীনস্থ সংশ্লিষ্ট সকলকে জানাইতেও অনুরোধ করা গেল।

স্বাক্ষর উপ-মহা পুলিশ পরিদর্শক (প্রশাসন)
বাংলাদেশ, ঢাকা

রাষ্ট্রাচার বিষয়ক সার্কুলার

(মন্ত্রী পরিষদ বিভাগ নং পবি-৩/১৯০-বিবিধ-২১০
এপ্রিল, ১৯৯০)

তারিখঃ ২১

রাষ্ট্রীয় সরকারি কাজে বিদেশে এবং দেশের অভ্যন্তরে ভ্রমণকালীন প্রতিমন্ত্রী/ উপ-মন্ত্রীগণকে বিদায় সংবর্ধনা ও স্বাগত জানানোর জন্য নীতি নির্ধারণ করিয়া সরকার ভ্রমণকারী প্রটোকল নির্দেশাবলী জারি করিবেন।

(১) বিদেশ ভ্রমণঃ সরকারি কাজে বিদেশে ভ্রমণকালীন প্রতিমন্ত্রী/ উপ-মন্ত্রীগণের বাংলাদেশ ত্যাগ ও দেশে ফিরিয়া আসিবার সময় সংশ্লিষ্ট মন্ত্রণালয়/ বিভাগের সচিব অথবা একজন প্রতিনিধি বাংলাদেশ ত্যাগ ও ফিরিয়া আসিবার স্থান উপস্থিত থাকিবেন।

(২) দেশের অভ্যন্তরে ভ্রমণঃ দেশের অভ্যন্তরে ভ্রমণকালীন প্রতিমন্ত্রী/উপ-মন্ত্রীগণ বিশেষ । কোন কারণে প্রয়োজন অনুভব করিলে তাহাদের ঢাকা ত্যাগ ও ফিরিয়া আসিবার সময়।

মন্ত্রণালয়/বিভাগের কোন কর্মকর্তাকে ঢাকা ত্যাগ ও ফিরিয়া আসিবার স্থানে উপস্থিত থাকিবার জন্য। নির্দেশ দিতে পারিবেন ।

(৩) জেলা সদরে জেলা প্রশাসক/জেলা প্রশাসকের প্রতিনিধি (সহকারী কমিশনারের নিচে নয়) ও পুলিশ সুপার/পুলিশ সুপারের প্রতিনিধি (সহকারী পুলিশ সুপারের নিচে নয়) এবং সংশ্লিষ্ট মন্ত্রণালয়/বিভাগের স্থানীয় কর্মকর্তাবৃন্দ প্রতিমন্ত্রী/উপ-মন্ত্রীগণকে অভ্যর্থনা ও বিদায় সংবর্ধনা জানাইবেন।

(৪) উপজেলা সদরে উপজেলা নির্বাহী অফিসার/উপজেলা নির্বাহী অফিসারের প্রতিনিধি (সহকারী কমিশনারের নিচে নয়) ও একজন সহকারী পুলিশ এবং সংশ্লিষ্ট মন্ত্রণালয়/বিভাগের স্থানীয় কর্মকর্তাবৃন্দ প্রতিমন্ত্রী/উপ-মন্ত্রীগণকে অভ্যর্থনা ও বিদায় সংবর্ধনা জানাইবেন।

(৫) প্রতিমন্ত্রী/উপ-মন্ত্রীগণ তাহাদের ভ্রমণ-সূচি সংশ্লিষ্ট সকল কর্মকর্তাকে যথাসময়ে অনুগ্রহপূর্বক পৌঁছানোর ব্যবস্থা করিবেন। ভ্রমণ-সূচির কোন পরিবর্তন হইলে তাহাও যথাসময়ে সংশ্লিষ্ট সকলকে অবহিত করিবেন।

(৬) ভ্রমণটি সরকারি কিংবা ব্যক্তিগত তাহা প্রতিমন্ত্রী/উপ-মন্ত্রীগণ যথাসময়ে অনুগ্রহপূর্বক সংশ্লিষ্ট কর্মকর্তাগণকে অবহিত করিবেন। সরকারি ভ্রমণের জন্য সংশ্লিষ্ট মন্ত্রণালয়/বিভাগের স্থানীয় কর্মকর্তাগণ ভ্রমণ-সূচি অনুযায়ী ভ্রমণ সংক্রান্ত যাবতীয় ব্যবস্থাদি গ্রহণ করিবেন। ব্যক্তিগত ভ্রমণের জন্য যানবাহন ও বাসস্থানের ব্যবস্থা করা হইলে তাহার জন্য প্রতিমন্ত্রী/উপ-মন্ত্রীগণকে সরকারি রেটে ভাড়া পরিশোধ করিতে হইবে।।

(৭) এতদ্ব্যতীত ভ্রমণটি ব্যক্তিগত অথবা রাজনৈতিক কিনা তাহাও প্রতিমন্ত্রী/উপ-মন্ত্রীগণকে উল্লেখ করিতে হইবে। স্বাভাবিক সরকারি কাজকর্মের অঙ্গ হিসাবে তাহারা অবশ্য জনসভায়। যোগদান করিতে পারিবেন। তবে প্রার্থী/প্রার্থীনি হিসাবে অভিযানে জনসভা করা ও রাজনৈতিক কর্মীদের সভায় যোগদানকে ব্যক্তিগত ভ্রমণ হিসাবে গণ্য করা হইবে।

(৮) প্রতিমন্ত্রী/উপ-মন্ত্রীগণের ভ্রমণ-সূচি পাওয়ার সঙ্গে সঙ্গে সংশ্লিষ্ট জেলার পুলিশ সুপার তাহাদের নিরাপত্তা সম্পর্কে প্রয়োজনীয় ব্যবস্থা নিবেন।

(৯) দেশের অভ্যন্তরে প্রতিমন্ত্রী/উপ-মন্ত্রীগণের রেলযোগে ভ্রমণকালীন সময়ে রেলওয়ে পুলিশ নিম্নলিখিত নির্দেশাবলী অনুসরণ করিবেন ।

(ক) যেই স্টেশনে প্রতিমন্ত্রী/উপ-মন্ত্রী ট্রেন হইতে অবতরণ করিবেন এবং পুনরায় আরোহণ করিবেন অথবা কোন জংশনে যেখানে ট্রেন বদলের প্রয়োজন হইবে সেই সমস্ত স্থানে পুলিশের একজন উপ-পরিদর্শক উপস্থিত থাকিবেন।

(খ) চট্টগ্রাম রেলওয়ে পুলিশের সুপার/পুলিশ সুপারের প্রতিনিধি (সহকারী পুলিশ সুপারের নিচে নয়) প্রতিমন্ত্রী/উপ-মন্ত্রীর সহিত সাক্ষাৎ করিবেন।

(এ. এম. আবদুল মান্নান ভূঁইয়া)
যুগ্ম-সচিব

(মন্ত্রী পরিষদ বিভাগ নং মপ-বি- ১১/ ২/ ৭৯- বিধি/ ৯৪৪
১৯৬১)

তারিখ ও ৯ অক্টোবর,

বিষয়ঃ প্রধানমন্ত্রীর বিদেশে রাষ্ট্রীয়/ সরকারি ভ্রমণকালীন রাষ্ট্রাচার সংক্রান্ত নির্দেশাবলী।

সরকার মন্ত্রিপরিষদ বিভাগের ১৫ আষাঢ় ১৩৯৮/ ৩০ জুন, ১৯৯১ তারিখের মব ১১/ ২/ ৭৯- বিধি/ ৯৬ সারকমূলে জারিত প্রধানমন্ত্রীর বিদেশে রাষ্ট্রীয়/ সরকারি ভ্রমণের সময় স্বদেশ থেকে প্রস্থান ও স্বদেশে প্রত্যাগমনকালে পালনীয় রাষ্ট্রাচার সম্পর্কিত নির্দেশাবলী নিম্নরূপ: অধিকতর সংশোধন করিয়াছে।

প্রধানমন্ত্রীর বিদেশে রাষ্ট্রীয়/ সরকারি ভ্রমণের সময় স্বদেশ হইতে ও স্বদেশে প্রত্যাগমনকালে। প্রস্থান ও আগমন স্থলে নিম্নোক্ত ব্যক্তিবর্গকে উপস্থিত থাকিতে হইবে।

(১) মন্ত্রীবৃন্দ।

২। ঢাকা সিটি কর্পোরেশনের মেয়র।

৩। প্রতিমন্ত্রীবৃন্দ।

৪। উপ- মন্ত্রীবৃন্দ।

৫। ডিপ্লোমেটিক জোনের প্রধান।

৬। স্বাগতিক দেশ/ দেশসমূহের মিশন প্রধান।

৭। মন্ত্রিপরিষদ সচিব।

৮। স্থল বাহিনী, নৌ- বাহিনী ও বিমান বাহিনীর প্রধানগণ।

৯। পররাষ্ট্র সচিব।

১০। স্বরাষ্ট্র সচিব।

১১। প্রধানমন্ত্রীর দায়িত্বাধীন মন্ত্রণালয়/ বিভাগের সচিব

(১২) মহা- পুলিশ পরিদর্শক।।

গণপ্রজাতন্ত্রী বাংলাদেশ সরকার
পুলিশ সদর দফতর, ঢাকা।
পুলিশ আদেশ নং ১/ ৯১

বিষয়ঃ পুলিশ কর্মকর্তা ও কর্মচারীদের বদলীর নীতিমালা।

সম্প্রতি ইহা পুলিশ সদর দফতরে গোচরীভূত হইয়াছে, একই জেলা/ ইউনিটে কর্মকর্তা ও কর্মচারিগণ দীর্ঘদিন যাবত কর্মরত রহিয়াছেন বিধায় নানা প্রশাসনিক জটিলতার সৃষ্টি হইতেছে। মেট্রোপলিটন পুলিশেও এই জাতীয় কর্মচারিগণ দীর্ঘদিন যাবত কর্মরত আছেন। এমনকি কর্মকর্তা ও কর্মচারিগণ মেট্রোপলিটন এলাকার একই থানা/ ইউনিটে একাধিকবার চাকুরী করিতেছেন যাহা প্রশাসনিক স্বার্থে অনভিপ্রেত। আবার কখনও কখনও বিনা কারণে দুই বছর পূর্ণ হওয়ার পূর্বেই কাহাকেও বদলী করা হয়, ফলে তাদের সন্তানদের লেখাপড়া বিঘ্ন হওয়াসহ নানা অসুবিধার মধ্যে পড়িতে হয়। যেই সকল কর্মকর্তা ও কর্মচারীর বিরুদ্ধে বিরূপ প্রতিবেদন/ অভিযোগ ইত্যাদি রহিয়াছে তাহাদিগকেও প্রশাসনিক স্বার্থে অন্যত্র বদলী করা প্রয়োজন।

উল্লেখিত অবস্থার প্রেক্ষিতে ও প্রশাসনিক কাজের স্বার্থে নিম্নলিখিত আদেশ জারি করা হইলঃ

(১) যেই সকল কর্মকর্তা ও কর্মচারী (ইন্সপেক্টর হইতে কনস্টেবল পর্যন্ত) একই ইউনিটে ২ (দুই) বছর পর্যন্ত কর্মরত আছেন তাহাদিগকে অন্য ইউনিটে বদলীর জন্য সংশ্লিষ্ট সকল পুলিশ সুপারগণকে অনুরোধ করা হইল। বদলীর প্রাক্কালে যাহাতে পূর্ববর্তী ইউনিটে পুনঃ বদলী না হয় সেদিকে লক্ষ্য রাখতে হইবে।

(২) মেট্রোপলিটন পুলিশে কর্মরত কর্মচারিগণকে ৩.৫ (সাড়ে তিন) বছর চাকুরী পূর্ণ। হওয়ার পর পরই অন্য ইউনিটে বদলী করিবার জন্য এই জাতীয় কর্মচারীদের তালিকা চাকুরীর বিবরণীসহ পুলিশ সদর দফতরে পাঠাইতে সংশ্লিষ্ট পুলিশ কমিশনারগণকে অনুরোধ করা হইল। মেট্রোপলিটন সংস্থার দারোগা হইতে কনস্টেবল পর্যন্ত বদলীর তালিকা প্রেরণ করিবার সময় অবশ্যই জ্যেষ্ঠতার ভিত্তিতে (তাহাদের যোগদানের তারিখের জ্যেষ্ঠতা অনুযায়ী) একই পদের এক-একটি গ্রুপ করিয়া প্রস্তাব প্রেরণ করিতে হইবে। এই জাতীয় বদলীর ক্ষেত্রে কর্মকর্তা ও কর্মচারিগণের কর্মস্থলে যোগদানের তারিখের জ্যেষ্ঠতা অনুসারে (অর্থাৎ যিনি আগে যোগদান করিয়াছেন তাহাকে আগে) কয়েকটি দফায় প্রতি বৎসরের ডিসেম্বরের মধ্যে বদলী সুসম্পন্ন করিতে এবং অগ্রগতি সময়ে সময়ে অত্র সদর দফতরকে অবহিত করিতে অনুরোধ করা হইল।

(৩) একই কর্মস্থলে চাকুরীর সময়সীমা ২ (দুই) বছর সম্পন্ন হওয়ার পূর্বে কোন কর্মকর্তা ও কর্মচারীকে সাধারণত অন্যত্র বদলী করা যাইবে না। প্রশাসনিক প্রয়োজনে বা অভিযোগের ভিত্তিতে বদলী করিলে এই জাতীয় বদলীতে পরিদর্শকদের বদলীর সম্পর্কে পুলিশ সদর দফতরকে এবং অধস্তন কর্মচারীদের সম্পর্কে সংশ্লিষ্ট রেঞ্জ ডিআইজি'গণকে অবহিত করিতে হইবে। যেই সকল কর্মকর্তা ও কর্মচারীদের বিরুদ্ধে সুস্পষ্ট অভিযোগ/বিরূপ প্রতিবেদন রহিয়াছে তাহাদের বিরুদ্ধ অভিযোগসমূহ প্রমাণিত হইলে যথাযথ শাস্তিমূলক ব্যবস্থা গ্রহণসহ তাহাদিগকে অন্যত্র বদলী করিতে হইবে।

উল্লেখিত আদেশ সুষ্ঠুভাবে বাস্তবায়নের বিষয়টি ত্বরান্বিত করিবার লক্ষ্যে সংশ্লিষ্ট ডিআইজি'গণ অধীনস্থ জেলা/ইউনিট কর্মকর্তাগণের সহিত যথাযথ যোগাযোগ রক্ষা করিবেন এবং ইউনিট প্রধানগণ নিশ্চিত হইবেন যে, উল্লেখিত আদেশাবলী যথাযথভাবে মানিয়া চলা হইতেছে।

স্বাঃ (তৈয়ব উদ্দীন আহমেদ)
ইন্সপেক্টর জেনারেল অব পুলিশ, বাংলাদেশ

স্মারক নং নিয়োগ/ ৪৬- ৯১/ ১৮৩৩/ ১ (৯৭)

তারিখঃ ১৭- ৯- ৯১

১।..... *

১১। *

স্বাঃ
(মোঃ মাসুদুল হক)
এসিস্ট্যান্ট ইন্সপেক্টর জেনারেল অব পুলিশ
বাংলাদেশ, ঢাকা।

গণপ্রজাতন্ত্রী বাংলাদেশ সরকার
পুলিশ সদর দফতর, ঢাকা।

পুলিশ আদেশ নং ২৯১

বিষয়ঃ মিনিষ্ট্রিয়াল স্টাফের বদলীর নীতিমালা ।

সম্প্রতি লক্ষ্য করা গিয়াছে, বিভিন্ন পুলিশ ইউনিটে কর্মরত প্রধান সহকারী/ স্টেনোগ্রাফার/ রেশন সহকারী ও অন্যান্য সহকারীর বিরুদ্ধে পুলিশ সদর দফতরে অভিযোগ পাওয়া যাইতেছে। ইতিপূর্বে কয়েকটি ইউনিটের উল্লেখিত পদের কিছু কর্মচারীকে অভিযোগের প্রেক্ষিতে চাকুরীচ্যুত, সাময়িক বরখাস্ত করা সহ অন্যত্র বদলী করা হইয়াছে।

দীর্ঘদিন একই কর্মস্থল বা একই সেকশনে নিয়োজিত থাকার কারণে এবং সংশ্লিষ্ট কর্মকর্তাগণ কর্তৃক কর্মচারীদের কাজের প্রতি সময়ে সময়ে তদারকি বা যথাযথ দৃষ্টি না রাখিবার জন্য এইরূপ অবস্থার সৃষ্টি হইতে পারে। কোন কোন ক্ষেত্রে পিআরবি (ভলিউম- ১) -এর সংশ্লিষ্ট রুল না মানার জন্যও এইরূপ অবস্থার সৃষ্টি হইয়াছে।

উপরোক্ত সমস্যা নিরসনকল্পে নিম্নলিখিত আদেশ জারি করা হইল ।

(১) অফিস সহকারী/ স্টেনোগ্রাফার/ রেশন সহকারী ও অন্যান্য সহকারীদেরকে সংশ্লিষ্ট রুলের আওতায় সম্ভব হইলে নিজ অফিসের মধ্যে বিভিন্ন সেরেস্তায় বদলী ব্যবস্থা করিতে হইবে ।

(২) নিজ জেলা/ ইউনিটে বদলীর ব্যবস্থা করিতে সম্ভব না হইলে উপরস্থ কর্মকর্তা/ দফতরকে প্রয়োজনীয় ব্যবস্থা করিবার জন্য প্রস্তাব করিতে হইবে।

(৩) যেই সকল দফতরে (যেমন এসবিসিআইডি/ মহানগর পুলিশ ইত্যাদি) অনেকগুলি সেকশন রহিয়াছে সেই সকল দফতরের একই সহকারীকে বিভিন্ন সেকশনে বদলীর ব্যবস্থা করিতে হইবে এবং প্রয়োজন হইলে অন্য দফতরে/ ইউনিটে বদলীর জন্য পুলিশ সদর দফতরে প্রস্তাব প্রেরণের ব্যবস্থা করিতে হইবে ।

(৪) পিআরবি (ভলিউম- ১) রুল ৮৩৭ যথাযথভাবে অনুসরণ করিতে হইবে।

উপরোক্ত নির্দেশ যথাযথ পালন করা হইতেছে এই মর্মে নিশ্চয়তা বিধান করিবার জন্য সকল জেলা/ ইউনিট প্রধানগণকে অনুরোধ করা হইল। এই প্রসঙ্গে দ্রুত ব্যবস্থা নেওয়ার স্বার্থে পিআরবি রুল ৮৩৭-এর প্রতি আপনার মনোযোগ আকর্ষণ করা হইল।

837. "No head clerk or accountant can be allowed to hold his appointment uninterruptly for more than seven years. After holding it for that period, he shall either be transferred or shall go on leave for at least four months. Superintendents shall be held responsible for reporting to the Deputy Inspector General the liability of their subordinates to transfer under this regulation. Inspecting officers should look into the matter at the time of their inspections",

Transfer of clerks within the Range will be made by the Deputy Inspector General.

স্বাঃ

(তৈয়ব উদ্দীন আহমেদ)

এসিস্ট্যান্ট ইন্সপেক্টর জেনারেল অব পুলিশ।

বাংলাদেশ, ঢাকা ।

স্মারক নং নিয়ো১গ/ ৪৬- ৯১/ ১৯৬০/ ১(১০২)
৯১

তারিখ: ৩০- ৯-

১। *
১৪। *

স্বাঃ
(মোঃ মাসুদুল হক)
এসিস্ট্যান্ট ইন্সপেক্টর জেনারেল অব পুলিশ।
বাংলাদেশ, ঢাকা।

গণপ্রজাতন্ত্রী বাংলাদেশ সরকার
পুলিশ সদর দফতর, ঢাকা।
আদেশ

গোচরে আসিয়াছে যে, পুলিশ সদর দফতর হইতে প্রেরিত অনুসন্ধান প্রতিবেদনের ভিত্তিতে পুলিশ বাহিনীর সদস্যদের বিরুদ্ধে রকৃত বিভাগীয় মামলা এবং বিজ্ঞ আদালতের মন্তব্যের প্রেক্ষিতে রুজুকৃত বিভাগীয় মামলা কোন কোন জেলা ইউনিটে নথিভুক্ত করা হইতেছে। এমনকি কোন কোন ক্ষেত্রে তদন্ত না করিয়াই বিভাগীয় মামলা নথিভুক্ত করা হইতেছে।

যেহেতু পুলিশ সদর দফতর হইতে বিভাগীয় মামলা রুজু করার নির্দেশ প্রদান করা হইয়া থাকে, সেহেতু পুলিশ সদর দফতর মতামত গ্রহণ না করিয়া বিভাগীয় মামলা নথিভুক্ত করা সঙ্গত নহে। উপরন্তু বিজ্ঞ আদালত কোন সুস্পষ্ট সাক্ষ্য-প্রমাণের ভিত্তিতেই শাস্তিমূলক ব্যবস্থা গ্রহণের আদেশ দিয়া থাকেন। সুতরাং আদালতের আদেশের ভিত্তিতে রুজুকৃত বিভাগীয় মামলা কিভাবে। নথিভুক্ত করা সম্ভব তাহাও বোধগম্য নহে।

অতএব অত্র কার্যালয়ের আদেশ রুজুকৃত বিভাগীয় মামলা নথিভুক্ত করিতে হইলে অবশ্যই মতামত গ্রহণ করিতে হইবে।

ইতিপূর্বে পুলিশ সদর দফতর হইতে যাহাদের বিরুদ্ধে বিভাগীয় ব্যবস্থা গ্রহণের নির্দেশ দেওয়া হইয়াছে এবং ফলাফল এখনও অত্র সদর দফতরকে জানানো হয় নাই সেই সব মামলার ফলাফল সত্বর জানাইতে বিশেষভাবে অনুরোধ করা যাইতেছে।

স্বাক্ষর
(এ. কে. এম. মাহবুব- উল- হক)
(অতিরিক্ত মহা- পুলিশ পরিদর্শক)
বাংলাদেশ।

স্মারক নং সেল/ ৮১- ৯০/ ৪২৭ (৯৯)

তারিখঃ ১৯- ৫- ৯১

অনুলিপি অবগিত ও কার্যকরী ব্যবস্থা গ্রহণের জন্য প্রেরণ করা হইলঃ

১। *
১০। *

স্বাক্ষর
(সৈয়দ সিরাজুল ইসলাম)
সহকারী মহা-পুলিশ পরিদর্শক
বাংলাদেশ, ঢাকা।

গণপ্রজাতন্ত্রী বাংলাদেশ সরকার
পুলিশ সদর দফতর, ঢাকা।

স্মারক নং নিয়োগ/ ৫৬-৯০/ ৮৫৫(৯৯)।

তারিখঃ ২৬-৫-

৯১

বরাবর,

১।.....*

৯।.....*

বিষয়ঃ পুলিশ সদর দফতরে সরাসরি আবেদনপত্র প্রেরণ প্রসঙ্গে।

সম্প্রতি পরিলক্ষিত হইতেছে, কিছু কিছু পুলিশ কর্মচারী/কর্মকর্তা অন্যত্র বদলী চাহিয়া অথবা বদলীর আদেশ বাতিল ইত্যাদি বিষয়ে পুলিশ সদর দফতরে সরাসরি আবেদনপত্র দাখিল করিতেছেন। ইহা সম্পূর্ণ নিয়ম-শৃঙ্খলাবহির্ভূত। ইহা ছাড়া এই সকল আবেদনপত্র গৃহীত হইলে অফিসের কাজকর্মের ব্যাঘাত সৃষ্টি হয় এবং তাহা মতামতের জন্য ও চাকুরীর বিবরণীর জন্য পুনরায় আপনাদের নিকট প্রেরণ করিতে হয় যাহাতে অযথা পত্রালাপ বৃদ্ধি পায়।

এমতাবস্থায় বিভাগীয় নিয়ম-শৃঙ্খলা নিশ্চিতকরণের লক্ষ্যে এবং অফিসের কাজের সুবিধার্থে এখন হইতে সরাসরি প্রাপ্ত কোন আবেদনপত্র অত্র সদর দফতর গ্রহণযোগ্য বলিয়া বিবেচিত হইবে না। ভবিষ্যতে এই জাতীয় সরাসরি আবেদন দাকিলকৃত কর্মকর্তা/কর্মচারীর বিরুদ্ধে বিধি অনুযায়ী ব্যবস্থা নেওয়া হইবে। এই মর্মে আপনার জেলা/সংস্থার সকল কর্মচারী/কর্মকর্তা জানাইয়া দেওয়ার জন্য আদিষ্ট হইয়া অনুরোধ জানাইতেছি।

স্বাক্ষর
(আলী মোহাম্মদ ইকবাল)
সহকারী ইন্সপেক্টর জেনারেল অব পুলিশ,
বাংলাদেশ।

গণপ্রজাতন্ত্রী বাংলাদেশ সরকার
পুলিশ সদর দফতর, ঢাকা।

স্মারক নং সিএন্ডএবি/ ৫১-৮৮/ ১২৪৪(৯৪)

তারিখঃ

১৭-৮-৯১

বরাবর

১।.....*

৮। *

বিষয়ঃ পুলিশ কর্মকর্তা/ কর্মচারিগণ এক ইউনিট হইতে অন্য ইউনিটে বদলী হওয়ার সময় বরাদ্দকৃত বিভাগীয় বাসা খালিকরণ ও আনুষঙ্গিক বিল আদায় প্রসঙ্গে।

লক্ষ্য করা যাইতেছে, পুলিশ কর্মকর্তা/ কর্মচারিগণ এক জেলা/ ইউনিট হইতে অন্য জেলা/ ইউনিটে বদলীর সময় বরাদ্দকৃত বিভাগীয় বাসা খালি না করিয়া এবং বাসার আনুষঙ্গিক কোন গ্যাস, বিদ্যুৎ, পানি ইত্যাদির বিল পরিশোধ না করিয়া নূতন কর্মস্থলে যোগদান করিয়া থাকেন।

এমনকি নূতন কর্মস্থলে যোগদান করিয়া ঐ জেলা/ ইউনিট বিভাগীয় বাসায় বসবাস করেন। ইহাতে দেখা যায় একই কর্মকর্তা এক সাথে দুই স্থানে দুইটি বাসা দখলে রাখেন। যাহার ফলে প্রশাসনিক জটিলতাসহ নানাবিধ সমস্যার সৃষ্টি হয় এবং অহেতুক পত্রালাপের অবতারণা হয়। বলাবাহুল্য সরকারি কর্মচারীর পক্ষে এহেন কাজ বিভাগীয় শৃঙ্খলার পরিপন্থী বটে।

এমতবস্থায় ভবিষ্যতে পুলিশ কর্মকর্তা/ কর্মচারী বদলীর সময় তাদের অনুকূলে বিভাগীয়ভাবে বরাদ্দপ্রাপ্ত বাসার দখল হস্তান্তরকরতঃ আনুষঙ্গিক বিল পরিশোধপূর্বক ইউনিট প্রধানের নিকট হইতে না-দাবি পত্র গ্রহণের বিষয় কার্যকর করিবার জন্য আপনাকে অনুরোধ করা যাইতেছে।

ভবিষ্যতে যদি কোন কর্মকর্তা/ কর্মচারী বদলীর সময় বাসা খালি না করেন তাহা হইলে তাহার এলপিসি (শেষ বেতনের প্রত্যয়নপত্র) প্রদান না করিবার জন্যও আপনাদিগকে অনুরোধ করা যাইতেছে।

এই প্রসঙ্গে পিআরবি ধারা ১২৫৮ এবং জিএফআর ধারা ৩১ দ্রষ্টব্য।

স্বাক্ষর
(সহকারী মহা- পুলিশ পরিদর্শক)
বাংলাদেশ, ঢাকা।

গণপ্রজাতন্ত্রী বাংলাদেশ সরকার
পুলিশ সদর দফতর, ঢাকা।

স্মারক নং নিয়োগ/ ৩- ৯১ (বাগেরহাট) / ৩৩১২(৯১)

তারিখঃ ১৮/ ৯/ ৯১

বরাবর

১।..... *

৭।..... *

বিষয়ঃ সরাসরি মন্ত্রণালয়ে পত্র প্রেরণ প্রসঙ্গে।

ইহা লক্ষ্য করা যাইতেছে, কোন কোন ইউনিট প্রধান মন্ত্রণালয় হইতে সরাসরি প্রেরিত পত্রের জবাব সংশ্লিষ্ট মন্ত্রণালয়ে সরাসরি পাঠাইতেছেন। কোন কোন ইউনিট সরাসরি পত্র প্রেরণ করিয়া অত্র সদর দফতরকে অবহিত করিতেছেন, কিন্তু বিস্তারিতভাবে কিছু জানান হইতেছে না। ফলশ্রুতিতে বিভ্রান্তির সৃষ্টি হইতেছে। ইহা বিধিবহির্ভূত।

বিধি মোতাবেক সকল প্রতিবেদন সংশ্লিষ্ট মন্ত্রণালয়ে অত্র সদর দফতরের মাধ্যমে প্রেরণ করিতে আদিষ্ট হইয়া অনুরোধ করা হইল। মন্ত্রণালয়ের স্মারক অঙ্গপতরসহ প্রতিবেদনের সঙ্গে সংযুক্ত করিতেও অনুরোধ করা হইল।

স্বাক্ষর
(সৈয়দ বজলুল করিম)
সহকারী মহা- পুলিশ পরিদর্শক (অপরাধ)
বাংলাদেশ, ঢাকা।

গণপ্রজাতন্ত্রী বাংলাদেশ সরকার পুলিশ সদর দফতর, ঢাকা।

স্মারক নং জিএ/ ১৮৮-৮৪/ ২৮৬৬ (৯৫)
৯১

তারিখঃ ৯- ১১-

প্রাপক,

১।..... *

৯।..... *

সম্প্রতি ইহা পুলিশ সদর দফতরের গোচরীভূত হইয়াছে যে, বিভিন্ন জেলা/ ইউনিটে কর্মরত পুলিশ সুপার ও তদূর্বর পদের পুলিশ কর্মকর্তাগণ ছুটি বা অন্যান্য কারণে ঢাকা শহরে আগমন করিলে ঢাকায় অবস্থান সম্পর্কে পুলিশ সদর দফতর ওয়াকিবহাল থাকার লক্ষ্যে তাহাদের ঠিকানা, টেলিফোন নং ইত্যাদি সহকারী মহা- পুলিশ পরিদর্শক (সংস্থাপন)- এর অফিস কক্ষে রক্ষিত বহিতে” লিপিবদ্ধ করিবার নিয়ম থাকিলেও তাহা যথাযথভাবে পালন করা হইতেছে না। ফলে নানা প্রশাসনিক জটিলতার সৃষ্টি হইতেছে।

এমতবস্থায় উল্লেখিত অফিসারগণ ঢাকায় আগমন করিলে অতিসত্বর তাহাদের অবস্থান, ঠিকানা টেলিফোন নং ইত্যাদি সহকারী মহা- পুলিশ পরিদর্শক (সংস্থাপন)- এর অফিস কক্ষে রক্ষিত বহিতে” লিপিবদ্ধ করিতে নির্দেশক্রমে অনুরোধ করা যাইতেছে।

স্বাক্ষর
(মোঃ মাসুদুল হক)
এসিস্ট্যান্ট ইন্সপেক্টর জেনারেল অব পুলিশ
বাংলাদেশ, ঢাকা

স্মারক নং জিএ/ ১৮৮-৮৪/ ২৮৬৬/ ১ (১১)

তারিখঃ ৯- ১১- ৯১

অনুলিপি অবগতি ও প্রয়োজনীয় ব্যবস্থা গ্রহণার্থে প্রেরণ করা হইলঃ

১।..... *

স্বাক্ষর
(মোঃ মাসুদুল হক)
এসিস্ট্যান্ট ইন্সপেক্টর জেনারেল অব পুলিশ।
বাংলাদেশ, ঢাকা

গণপ্রজাতন্ত্রী বাংলাদেশ সরকার
পুলিশ সদর দফতর, ঢাকা।

সার্কুলার স্মারক নং নিয়োগ/ ৪৬- ৯১/ ২৬৯৫

তারিখঃ ১২/ ১২/ ৯১

বিষয়ঃ কর্মকর্তা/ কর্মচারী বদলী প্রসঙ্গে।

সম্প্রতি লক্ষ্য করা গিয়াছে, বিভিন্ন জেলা/ ইউনিট হইতে কর্মকর্তা/ কর্মচারীদের অন্যত্র বদলী/ বদলী বাতিল বা অন্য কোন বিষয়ে পুলিশ সদর দফতরে যেসব আবেদন অগ্রগামী করা হইয়া থাকে তাহাতে পুলিশ সুপার/ রেঞ্জ ডিআইজি বা ইউনিট প্রধানগণ সুস্পষ্ট মতামত প্রদান করেন না। এমনকি অসম্পূর্ণ আবেদনপত্র (যেমন চাকুরীর বিবরণী ব্যতীত) অগ্রগামী করিয়া থাকেন। তাহা ব্যতীত বদলীর আদেশ স্থগিত বা বাতিলের বিষয়েও 'ব্যখ্যায়িত লিখিয়া বা কোন রকম মতামত ব্যতিরেকে আবেদন অগ্রগামী করা হইয়া থাকে। ইহার ফলে আবেদনপত্রের উপর সিদ্ধান্ত গ্রহণে অহেতুক বিলম্ব এবং কোন কোন ক্ষেত্রে জটিলতার সৃষ্টি হয়।

২। উপরোক্ত অবস্থার প্রেক্ষিতে ভবিষ্যতে এরূপ অবস্থার অবতারণা যাহাতে না হয় সেই বিষয়ে ব্যক্তিগত দৃষ্টি প্রদান করিবার জন্য সংশ্লিষ্ট সকলকে অনুরোধ করা যাইতেছে।

৩। যেকোন রকম আবেদনপত্র সুস্পষ্ট মতামতসহ অত্র সদর দফতরে প্রেরণ করিবার জন্য সকল পুলিশ সুপার/ রেঞ্জ ডিআইজি/ ইউনিট প্রধানগণকে অনুরোধ করা যাইতেছে।

স্বাঃ
এম এনামুল হক
এম এনামুল হক ইন্সপেক্টর জেনারেল অব পুলিশ
বাংলাদেশ, ঢাকা।

স্মারক নং নিয়োগ/ ৪৬- ৯১/ ২৬৯৫ / ১(১০১)
১২/ ১২/ ১৯১

তারিখঃ

অনুলিপি অবগতি ও কার্যকরী ব্যবস্থা গ্রহণের জন্য প্রেরণ করা হইলঃ

১।.....*

১০। *

স্বাঃ
মোঃ মাসুদুল হক

এসিস্ট্যান্ট ইন্সপেক্টর জেনারেল অব পুলিশ।
বাংলাদেশ, ঢাকা।